



Mesur Llywodraeth Leol (Cymru) 2009

2009 mccc 2

RHAN 1

GWELLA LLYWODRAETH LEOL

Archwiliadau ac asesiadau gwella

20 Ymateb i adroddiadau adran 19

- (1) Mae'r is-adrannau canlynol yn gymwys pan fo unrhyw adroddiad a gaiff awdurdod gwella Cymreig o dan adran 19(2)—
 - (a) yn cynnwys argymhelliad o dan adran 19(1)(f) neu (g); neu
 - (b) yn datgan o dan adran 19(1)(h) bod Archwilydd Cyffredinol Cymru o blaid cynnal arolygiad arbennig.
- (2) Rhaid i'r awdurdod baratoi datganiad ynghylch—
 - (a) unrhyw gamau y mae'n bwriadu eu cymryd o ganlyniad i'r adroddiad; a
 - (b) yr amserlen y mae'n ei chynnig ar gyfer cymryd y camau hynny.
- (3) Rhaid i ddatganiad sy'n ofynnol o dan is-adran (2) gael ei baratoi—
 - (a) cyn diwedd cyfnod o 30 o ddiwrnodau gwaith sy'n dechrau ar y diwrnod y mae'r awdurdod yn cael yr adroddiad; neu
 - (b) os yw'r adroddiad yn pennu cyfnod byrrach sy'n dechrau ar y diwrnod hwnnw, cyn diwedd y cyfnod hwnnw.
- (4) Rhaid i'r awdurdod ymgorffori'r datganiad yn ei gynllun gwella ar gyfer y flwyddyn ariannol nesaf.
- (5) Os bydd yr adroddiad yn argymhell bod Gweinidogion Cymru yn rhoi cyfarwyddyd o dan adran 29, rhaid i'r awdurdod anfon copi o'r datganiad at Weinidogion Cymru—
 - (a) cyn diwedd cyfnod o 30 o ddiwrnodau gwaith sy'n dechrau ar y diwrnod y mae'r awdurdod yn cael yr adroddiad; neu
 - (b) os yw'r adroddiad yn pennu cyfnod byrrach sy'n dechrau ar y diwrnod hwnnw, cyn diwedd y cyfnod hwnnw.

Statws This is the original version (as it was originally enacted).

- (6) At ddibenion yr adran hon, mae diwrnod gwaith yn ddiwrnod nad yw—
- (a) yn ddydd Sadwrn nac yn ddydd Sul;
 - (b) yn Ddydd Nadolig nac yn Ddydd Gwener y Groglith; neu
 - (c) yn unrhyw ddydd sy'n wyl banc o dan Ddeddf Bancio a Thrafodion Ariannol 1971 yng Nghymru a Lloegr.